



Stjórnamálaályktun

Reykjavíkurbíng 2024

Málefni barna

Eitt meginhlutverka borgarinnar er að sjá börnum fyrir menntun óháð efnahag. Jöfn tækifæri eru leiðarstef sjálfstæðisstefnunnar að þessu leyti, en sýn Sjálfstæðisflokksins í Reykjavík hverfist um einstaklingsmiðaða nálgun þannig hver og einn nemandi fái að njóta sín á sínum forsendum. Sjálfstæðisflokkurinn vill hugsa þjónustu borgarinnar við börn og ungmenni heildrænt. Fjölskyldan er grunneining samfélagsins og kerfi borgarinnar þurfa að taka mið af henni. Börnum þarf að tryggja daggæslu frá lokum fæðingarorlofs. Þetta er meðal stærstu jafnréttismála samtímans. Samfella þarf að vera í skóladegi barna og þau eiga að geta blómstrað á sínu sviði hindrunarlaust.

Grunn- og leikskóli

Sjálfstæðisflokkurinn í Reykjavík vill fjölga sjálfstætt starfandi grunn- og leikskólum í Reykjavík. Með aukinni fjölbreytni í rekstrarformi skapast hvatar til nýbreytni í skólalastarfinu og einstaklingsmiðaðri nálgun gagnvart nemendum og fjölskyldum þeirra.

Taka þarf leikskólakerfi Reykjavíkurborgar til gagngerrar endurskoðunar og finna leiðir sem virka til þess að brúa bilið milli fæðingarorlofs og leikskóla. Sjálfstæðisflokkurinn í Reykjavík vill að greitt verði með börnum sem ekki fá pláss á leikskóla að loknu fæðingarorlofi - fé fylgi barni hvort sem það er á opinberum eða sjálfstæðum leikskóla, hjá dagforeldri eða heima hjá sér.

Horfa ætti til reynslu Kópavogsbæjar af nýrri leið í leikskólalámum sem virðist hafa bætt starfsaðstæður leikskólakennara og aukið samfellu í skólalastarfinu. Áfram þarf að tryggja afslátt af leikskólagjöldum fyrir þá sem þess þurfa, tryggja gott starfsumhverfi starfsfólks o.s.frv.

Niðurstaða í könnun PISA fyrir árið 2022 var óviðunandi og viðbrögð borgarinnar við þeim einnig. Sjálfstæðisflokkurinn í Reykjavík vill komast til botns í því hvað hefur farið úrskeiðis í skólakerfinu og færa hlutina til betri vegar. Endurskoða þarf stefnu um „skóla án aðgreiningar“ sem vísbendingar eru um að hafi leitt til lakari þjónustu með ærnum tilkostnaði.

Sjálfstæðisflokkurinn styður tilraunir með seinkun skóladags í Reykjavík. Bæta má samskipti grunn- og leikskóla annars vegar og íþróttafélaga, tónlistarskóla og annarra lista- og tómstundafélaga með tímasparnað, námsárangur, hag og heilsu skólabarna í huga.



Kennarar, skólastjórnendur og annað starfsfólk grunn- og leikskóla borgarinnar eru hryggjarstykkið í skólasterfinu í borginni. Án ánægju meðal starfsfólks verður enginn árangur af starfi þeirra. Minnka þarf miðstýringu í skólakerfinu og veita stökum grunnskólum og starfsfólki þeirra aukið frelsi til að halda úti faglegri kennslu. Þannig skapast möguleikar á kjarabót til handa kennurum. Þá þarf að stórbæta vinnuástöðu kennara og frístundastjórnenda.

Húsnæðismál grunn- og leikskóla borgarinnar hafa verið í ólestri undanfarin ár. Sjálfstæðisflokkurinn mun ráða bót á þessu.

Íþróttir og tómstundir

Rík hefð er fyrir öflugum íþróttastarfi í Reykjavík og fjölmörg íþróttafélög bera veg og vanda af þeirri starfsemi sem þar er rekin. Þá eru ýmsar tómstundir í boði fyrir börn og ungmenni á sviði menningar, útivistar o.fl. Um átta af hverjum tólf börnum á Íslandi æfa íþróttir með íþróttafélagi og því er nauðsynlegt að aðstaða íþróttafélaganna sé með besta móti. Misjafnlega hefur verið staðið að uppbyggingu íþróttamannvirkja í borginni og taka þarf tillit til þess þegar tekin er ákvörðun um hvernig eigi að forgangsraða framtíðaruppbyggingu.

Samþætta þarf skóla-, íþrótt- og tómstundastarf með tímasparnað barna og foreldra og fjölgun iðkenda í huga, ekki síst í hópi þeirra sem eiga erlendar rætur. Greiða þarf fyrir því að börn geti iðkað tvær íþróttir eða íþróttir og listnám á sama tíma, hafi þau áhuga á því. Skýr skil þurfa þó að vera á milli fjárveitinga til íþróttafélaga vegna barna- og unglingsstarfs annars vegar og afreksstarfs hins vegar.

Málefni eldra fólks

Fólki sem komið er á eftirlaunaaldur mun fjölga jafnt og þétt næstu áratugin. Þetta kallar á nýja hugsun hvað varðar húsnæðismál þessa aldurshóps. Sjálfstæðisflokkurinn í Reykjavík leggur áherslu á að fólki verði gert kleift að búa heima hjá sér svo lengi sem kostur er. Skapa þarf aðstæður til byggingar húsnæðis sem sérstaklega er ætlað eldri borgurum. Sterkar fyrirmyndir eru að lífsgæðakjörnum á Norðurlöndum og hér á landi einnig. Í samstarfi við öflug félagasamtök eldri borgara þarf að útvega lóðir til byggingar slíks húsnæðis.

Fjölga þarf hjúkrunarrýmum fyrir þá sem eldri eru, í bland við fjölbreyttari búsetukosti fyrir eldra fólk, í því skyni að vinna á fráflæðisvanda sjúkrahúsa. Stefna þarf að því að sem flest fólk geti á efri árum lifað innihaldsríku lífi á eigin heimili með persónulegri þjónustu, þrátt fyrir skerta heilsu. Meirihlutinn í Reykjavík hefur ekki sýnt áhuga á því að koma til móts við eldra fólk að þessu leyti.

Sjálfstæðisflokkurinn í Reykjavík telur rétt að borgaryfirvöld styðji við endurhæfingarúrræði sem standa eldra fólki til boða. Þá þarf að huga að andlegri heilsu og einangrun eldra fólks, t.d. með eflingu dagdvalar sem víða hefur gefið góða raun og fyllt upp í tómarúm hversdagsleikans hjá mörgum. Nauðsynlegt er að til staðar séu valkostir fyrir eldra fólk til hreyfingar og úrræði til eflingar lýðheilsu.



Mikilvægt er að Reykjavíkurborg einfaldi skipulag við þjónustu eldri borgara. Samræma þarf þjónustu þannig að ekki þurfi að leita til margra aðila til að fá hana.

Rekstrarumhverfi og fjármál

Rekstrarumhverfi

Reykjavík á að vera fyrsti kostur fyrir fyrirtæki úr fjölbreyttum geirum, allt frá tækni og nýsköpun til framleiðslu, nýsköpunar og heilbrigðisþjónustu, og bjóða þannig upp á skapandi margbreytileika í efnahagslífi Reykjavíkurborgar og styrkja með því samfélagið í heild sinni.

Hluti af því að hlúa að fyrirtækjum er að gæta að því að grunnþjónusta á vegum borgarinnar virki sem skyldi, svo sem sorphirða, snjómokstur og rekstur áreiðanlegra almenningssamgangna. Þá er nauðsynlegt að fasteignagjöld séu samkeppnishæf þegar litið er til annarra sveitarfélaga. Áfram verði unnið að stafrænum lausnum sem getað einfalda ferla og stýtt biðtíma. Reykjavíkurborg á ekki að eiga í samkeppni við einkageirann um verðmæta sérfræðinga og auka útvistun verkefna af hálfu borgarinnar, t.d. á sviði nýsköpunar.

Ekki má gleyma hlutverki Reykjavíkurborgar sem höfuðborg Íslands og vegna hnattrænnar staðsetningar er hún til viðbótar nú þegar orðin mikilvæg borg á norðurhveli jarðar og sú þróum mun halda áfram í takt við yfirstandandi breytingar á veðurfari og loftslagi jarðarinnar.

Fjárhagur borgarinnar

Fjárhagur Reykjavíkurborgar hefur munað fifil sinn fegurri. Veltufé frá rekstri segir til um getu borgarinnar til að greiða af skuldum og til fjárfestinga, en veltufé frá rekstri sem hlutfall af tekjum var neikvætt á árinu 2022. Eftirlitsnefnd um fjármál sveitarfélaga hefur gert ítrekaðar athugasemdir við ársreikninga og fjármálaáætlanir Reykjavíkurborgar þar sem lágmarkskröfur um fjármál sveitarfélaga hafa ekki verið uppfyllt.

Skattheimta borgarinnar er í botni. Sjálfstæðisflokkurinn í Reykjavík vill leita leiða til að lækka opinber gjöld á borgarbúa. Skuldir borgarinnar hafa haldið áfram að aukast og meint hagræðing borgarmeirihlutans felst einkum í því að seilast dýpra í vasa skattgreiðenda. Skuldir hafa aukist um 91% á hvern íbúa undanfarin 10 ár og laun og launatengd gjöld hafa aukist um 46% á hvern íbúa á tímabilinu. Skattbyrði á hvern starfandi borgarbúa hefur aukist um 22% síðastliðin tíu ár á sama tíma, eða sem samsvarar 627 þúsund krónum fyrir meðalheimilið.

Ljóst er að þörf er á að grandskoða fjármálin í því skyni að draga úr skuldasöfnun og bæta rekstrarhæfi borgarinnar. Sjálfstæðisflokkurinn í Reykjavík stefnir að forgangsröðun fjármuna í þágu grunnþjónustu við borgarbúa á kostnað gæluverkefna. Slæm fjárhagsstaða borgarinnar endurspeglast enda í slæmri þjónustu við borgarbúa. Þá vill Sjálfstæðisflokkurinn í Reykjavík koma böndum á stækkun stjórnkerfis borgarinnar sem hefur blásið út undanfarið.



Samgöngur, skipulag, umhverfi og menning

Sjálfstæðisflokkurinn í Reykjavík horfir heildrænt á samgöngu- og skipulagsmál. Í ljósi óvissu um þróun mála á Reykjanesi og í ljósi jarðhræringa liggur beinast við, að mati Sjálfstæðisflokksins, að kanna möguleika á byggð norðan, austan og norðaustan við þéttbýli í Reykjavík. Meirihluti borgarstjórnar hefur svikið borgarbúa um Sundabraut sem yrði lykilatríði í að þróa byggð í átt til norðurs, en á Kjalarnesi, Geldinganesi og víðar er að finna gjöfult byggingarland. Samgöngumál í borginni eru í ólestri og Sjálfstæðisflokkurinn í Reykjavík telur nauðsynlegt að endurhugsa nálgun borgaryfirvalda í samgöngumálum frá grunni.

Samgöngumál

Nær engar úrbætur hafa orðið á gatnakerfi Reykjavíkur áratugum saman og er nú svo komið að ástandið er óbærilegt. Tafakostnaður í umferðinni fyrir einstaklinga og fyrirtæki nemur nú mörgum tugum milljarða á ári. Sjálfstæðisflokkurinn í Reykjavík vill endurskoða Samgöngusáttmálann svonefnda frá grunni. Verði haldið áfram á sömu vegferð, er ljóst að kostnaður skattgreiðenda af framúrkeyrslu vegna sáttmálans verður gríðarlegur.

Sjálfstæðisflokkurinn í Reykjavík vill kanna möguleika á því að helstu stofnæðum höfuðborgarsvæðisins verði komið fyrir neðanjarðar með nýjustu tækni í jarðgangagerð að leiðarljósi. Með því falla til stór svæði sem annars fara undir umferðarmannvirki. Það mun auka lífsgæði með möguleika á þéttingu byggðar og stækkun útivistarsvæða í hverfum borgarinnar, betri nýtingu landrýmis, næðis og betri loftgæða. Byggt verði á reynslu við gerð Hvalfjarðarganga. Núverandi hugmyndir um stokkauppbyggingu við Miklubraut og byggingaframkvæmdir nálægt götum ofanjarðar eru óviðunandi og krefjast endurskoðunar.

Ráðast þarf í flýtiframkvæmdir í samgöngum. Sundabraut er gott dæmi um arðbæra og nauðsynlega framkvæmd. Frestun hennar hefur skaðað stórlega hagsmuni Reykvíkinga og landsbyggðarinnar ásamt því að breytt skipulag hefur komið í veg fyrir hagkvæmasta valkostinn við lagningu Sundabrautar.

Nær allir hættulegustu slysastaðir landsins eru á ljósastýrðum gatnamótum í Reykjavík. Ráðast þarf í átak til að auka öryggi gatnamóta og bæta umferðarflæði þeirra. Með hliðsjón af almannaöryggi þarf að vera greið leið fyrir umferð um gatnamót sem staðsett eru við útjaðar borgarinnar. Stefnt skal að því að gera stærstu, hættulegustu og umferðarþyngstu gatnamót stofnæða mislægt að fullu eða tryggja með öðrum hætti nánast óhindrað flæði umferðar.

Einn samgöngumáti á ekki að þrengja að öðrum. Mikilvægt er að tryggja arðbæra nýtingu fjármuna þannig að markmið um greiðari samgöngur, aukin lífsgæði og valfrelsi í samgöngum náist. Hugmyndum um viðbótargjaldtöku á vegfarendur er hafnað án þess að greiðsluvilji sé til staðar og möguleiki á annarri leið þar sem ekkert gjald er greitt.

Bæta þarf öryggi gangandi og hjólandi vegfarenda, með gangbrautum, göngubrúum og lýsingu, ekki síst við grunnskóla borgarinnar. Þá er nauðsynlegt að halda áfram uppbyggingu sjálfstæðs stofnstígakerfis fyrir hjólréiðafólk.



Reykjavíkflugvöllur verður í Vatnsmýri þar til nýr staður finnst sem uppfyllir jafn vel eða betur þarfir Reykvíkinga og landsmanna allra sem og öryggiskröfur. Fallið verði frá áformum um þetta íbúðauppbyggingu á flugvallarsvæðinu. Sjálfstæðisflokkurinn telur óskynsamlegt að halda ótrautt áfram með áform um þéttingu upp við flugvöllinn í ljósi jarðhræringa á Reykjanesskaga og útilokar flugvöll í Hvassahrauni sem raunhæfan valkost fyrir nýjan flugvöll.

Skipulagsmál

Húsnæðismál á höfuðborgarsvæðinu eru í lamasessi. Húsnæðisstefna meirihlutaflökkanna í borgarstjórn er dýru verði keypt jafnvel þótt ekki sé tekið tillit til fjölda þeirra Grindvíkinga sem nú eru heimilislausir og fólksfjölgunar í hópi innflytjenda. Sjálfstæðisflokkurinn í Reykjavík vill snúa við flótta fólks og fyrirtækja með nægu framboði íbúða- og atvinnulóða.

Lögð verði áhersla á ný byggingarsvæði þar sem greiðar samgöngur um borgina eru hafðar í hávegum. Sjálfstæðisflokkurinn er hlynntur þéttingu byggðar á réttum hraða, en ljóst að of hratt hefur verið ráðist í að þetta íbúðabyggðina í borginni. Afleiðingin er til hækkunar húsnæðisverðs. Sjálfstæðisflokkurinn leggur áherslu á nýtt byggingarland, Borgina við sundin, austan Elliðaána; í Grafarvogi, Úlfarsárdal, Gufunesi, Geldinganesi, á Keldum, Keldnaholti og Kjalarnesi.

Tækifæri liggja í jafnvægi í þróun byggðar. Mikilvægt er að þétting byggðar sé framkvæmd þannig að sem minnst röskun verði á lífsgæðum fólks sem býr á og næst þróunarreitum. Áhrifamat fari fram á þolmörkum innviða, svo sem á skólum og leikskólum. Á þróunarsvæðum verði unnið markvisst að mótvægisáðgerðum til að draga úr neikvæðum áhrifum svo sem skorti á leik- og grunnskólum, tryggja greiðar samgöngur, næg bílastæði og aðgengi að grænum svæðum. Áhersla verði lögð á sjálfbærni og vistvænt skipulag.

Horfa þarf til norðlægrar staðsetningar landsins og sólarhæðar og byggja ekki hús sem skerða möguleika nágranna á að njóta sólar og útivistar. Hugsa skal um gæði byggðar og bygginga svo og útlit þeirra við skipulagsbreytingar. Þess þarf einnig að gæta að þrengja ekki að nauðsynlegum samgönguæðum. Á þéttingarreitum verði skylt að byggja bílageymslur til að draga úr neikvæðum áhrifum á nærumhverfið.

Reykjavík á að vera barnvæn borg. Huga þarf sérstaklega að þörfum ungs fólks við uppbyggingu borgarinnar. Skipulag þarf að taka mið af því að innan hvers hverfishluta sé nægt svæði fyrir almenna þjónustu, börn að leik, fólk á vinnualdri og aldraða. Auka þarf framboð á sérbýli og fjölbreyttu búsetuformi. Reist verði ný hverfi með litlum einbýlishúsum og öðru sérbýli með þarfir ungs fjölskyldufólks í huga.

Sjálfstæðisflokkurinn í Reykjavík vill endurskoða aðalskipulag borgarinnar sem nú nær til ársins 2040. Þá er nauðsynlegt að einfalda málsmeðferð og leyfisveitingakerfi borgarinnar, byggingaeglugerð og aðra þá ferla sem íþyngja framkvæmdaaðilum. Taka þarf upp markvissara samráð við íbúa og hagsmunaaðila við gerð skipulags og við samliggjandi sveitarfélög þegar það á við.



Sjálfstæðisflokkurinn í Reykjavík telur mikilvægt að standa vörð um græn og opin svæði í borginni bæði innan íbúðahverfa, en ekki síst hlúa að stórum náttúruperlum svo sem Elliðaárdal, Laugardal, Vatnsmýrarsvæðinu, Esjuhlíðum, Heiðmörk og Öskjuhlíð. Áhersla skal lögð á aukna uppbyggingu opinna leik- og útivistarsvæða með svipuðu sniði og leiksvæðinu við Gufunes. Gæta þarf að góðu viðhaldi og umhirðu um slík leiksvæði. Stefnt skal að friðlýsingu Elliðaárdals og fjörunnar í Skerjafirðinum.

Umhverfi og umhirða

Það er forgangsmál að borgin sé vistleg og raunar forsenda þess að Reykjavík sé eftirsóknarverð til að lifa í og starfa. Á vakt Sjálfstæðisflokksins í Reykjavík verður stórátak gert í umhirðu í borgarlandinu. Enginn flokkur hefur staðið vaktina jafn vel í umhverfismálum eins og Sjálfstæðisflokkurinn, t.d. í tengslum við hitaveituvæðingu 20. aldar.

Sjálfstæðisflokkurinn vill stórminnka mengun í borginni sem hefur aukist undanfarin ár. Stórátak þarf að gera í hreinsun gatna í Reykjavík, hvort sem um er að ræða sumar- eða vetrarþjónustu. Markvisst verður unnið gegn umferðartöfum sem verða til mikillar sóunar eldsneytis, en af þeim skapast einnig gríðarlegur kostnaður og óhagræði fyrir borgarbúa og fjölskyldur þeirra.

Í tíð núverandi meirihluta í borgarstjórn hefur umhirðu í borgarlandinu farið verulega aftur. Til dæmis er beðum illa sinnt og gras sjaldan slegið. Sjálfstæðisflokkurinn mun sjá til þess að hverfi borgarinnar verði borginni til sóma. Sérstaklega verður hlúð að fjölsóttum útivistarsvæðum borgarbúa, m.a. í samstarfi við útivistar- og íþróttafélög, og gætt að öryggi þeirra sem þau nýta.

Hraða ber eins og kostur er orkuskiptum í samgöngum á sjó og landi. Í því skyni á borgin nú þegar að ganga á undan með góðu fordæmi með orkuskiptum í bílaflota borgarinnar og almenningsfarartækjum, auk þess að styðja við tækniþróun og viðleitni einkaaðila í þá veru. Sjálfstæðisflokkurinn styður rafvæðingu hafna borgarinnar.

Á vakt Sjálfstæðisflokksins verður líf borgarbúa heilsusamlegra og samfélagið skilvirkara, atvinnulífi og almenningi til hagsbóta.

Mannlíf og menning

Reykjavík er miðstöð skapandi greina á Íslandi enda er borgin hvort í senn höfuðborg, menningarborg og háskólaborg svo fátt eitt sé nefnt. Sjálfstæðisflokkurinn í Reykjavík telur að listamenn séu auðlind sem þurfi að hlúa að og efla. Reykjavíkurborg á að styðja við menningu í borginni með því að skapa heilbrigða umgjörð til sköpunar, rétt eins og á við í atvinnulífinu.

Mikilvægt er að styrkveitingar borgarinnar vegna menningarmála séu faglegar, gagnsæjar og hlutlægar. Tryggja þarf að auðvelt aðgengi almennings að menningu, listsköpun, íþróttum, og tómstundum auk ferðamannastaða, og með sérstaka áherslu á aðgengi barna.



Félags- og heilbrigðismál

Útlendingamál á Íslandi eru í ólestri vegna gríðarlegs þrýstings á verndarkerfi útlendinga. Fjölgun þjónustuþega ógnar nú þeim innviðum sem borgaryfirvöld bera ábyrgð á. Þar eru grunnskólar borgarinnar ekki síst í brennidepli, en þeir eru að þolmörkum komnir. Þetta er ólíðandi og nauðsynlegt er að færa verndarkerfi útlendinga til jafns við það sem á við í nágrannaríkjum Íslands. Þannig verður þyngslum létt af þeim innviðum borgarbúa.

Innflytjendur og börn þeirra

Þjóða þarf innflytjendur velkomna og gera þeim kleift að standa hér á eigin fótum. Reykjavíkurborg á að gera þeim innflytjendum sem til borgarinnar koma kleift að lifa sjálfstæðu lífi með aðlögun að samfélaginu og sinna skyldum sínum vel gagnvart þeim sem njóta aðstoðar verndar kerfisins.

Með markvissri stefnuþarf að tryggja að innflytjendur og börn þeirra nái að aðlagast samfélaginu. Þannig er spornað gegn félagslegri einangrun innflytjenda með því að auðvelda þeim að læra tungumálið, ná fótfestu í skólakerfinu, á vinnumarkaði og í félagsstarfi. Mikill munur er á meðaleinkunnum barna af innlendum og erlendum uppruna og sá mesti sem fyrirfinnst innan aðildarríkja OECD. Þetta er óásættanlegt.

Málefni fólks með fötlun

Eitt meginhlutverka Reykjavíkurborgar er að sinna þjónustu við fólk með fötlun. Sjálfstæðisflokkurinn leggur ríka áherslu á að þörfum fólks með fötlun sé mætt og því er ótækt að málaflöknum hafi verið illa sinnt undanfarin ár.

Fólk með fötlun er fjölbreyttur hópur með fjölbreyttar þarfir sem þjónusta þarf á einstaklingsgrundvelli. Tryggja þarf að fólk með fötlun geti sótt sér nám og stundað vinnu og aðrar tómstundir. Þá þurfa einstaklingar í þessum hópi að hafa val um að stýra þjónustu sinni sjálfir á grundvelli notendastýrðrar persónulegrar aðstoðar (NPA) til þess að gera sem flestum kleift að lifa sjálfstæðu lífi.

Stytta þarf biðlista og bjóða fjölbreytt búsetuúrræði. Þá þarf að ráðast í breytingar á núverandi þjónustu til að auka gæði og öryggi hennar og mæta frekari manneklu.

Lýðheilsa, félags- og geðheilbrigðismál

Áhersla skal lögð á heilsu- og geðeflandi þætti í formi leikja strax í leikskóla og fylgja eftir með skimun og inngrípum ef grunur leikur á geðrænum eða félagslegum vanda. Strax á leikskólastigi skal leggja áherslu á holla næringu, hreyfingu og hugrækt. Í kjölfar sóttvarnaaðgerða undanfarinna ára þarf að ráðast í átak í geðheilbrigðis- og félagsmálum auk þess að efla þjónustu til frambúðar. Bæta þarf samstarf grunnskóla, heilbrigðisstofnana og annarra velferðarstofnana að þessu leyti og mæta þarf knýjandi þörf um greiningu barna og ungmenna.

Nýsköpun í lýðheilsuárum sem felst í auknu framboði á virkni og forvörnum verði settar í forgang hjá stofnunum borgarinnar. Unnið verði eftir hugmyndafræði lýðheilsu sem lýtur að því að einstaklingar geti hámarkað lífsgæði sín, hamingju, heilsu og tækifæri til þátttöku



í samfélaginu. Litið verði til hollrar næringar, hreyfingar og hugræktar til að draga úr vaxandi kvíða, streitu, einangrun og andlegum vanda sem fer vaxandi.

Tryggja skal að öllum skuli tryggður aðgangur að næringarríku fæði í grunnskólum og leikskólum borgarinnar. Þannig er stuðlað að jafnræði allra barna til heilsu og heilbrigðis. Mikilvægt er að börn hafi jafnt aðgengi að fjölbreyttum tómstundum yfir sumartímann, þeim að kostnaðarlausu. Ungmendum skal boðin vinna við hæfi yfir sumartímann fyrir eðlileg laun.

Fjölbreyttir valkostir skulu vera fyrir börn og ungmenni, tengd útivist, hreyfing, næringu, hugrækt, náttúruskoðun og umhverfismálum, t.d. með því að endurvekjá skólagarða Reykjavíkur.

Endurskipuleggja skal frá grunni og fjölga úrræðum til endurhæfingar einstaklinga sem glíma við vímuefnavanda til að auðvelda þeim endurkomu í samfélagið. Reykjavíkurborg skal vera leiðandi í skaðaminnkunarráðum. Einstaklingar sem glíma við vímuefnavanda hafi aðgengi að húsnæði sem sniðið er að þörfum þeirra.